

ՄԻՋԵԿԵՂԵՑԱԿԱՆ



ԵԿԵՂԵՑԻՆԵՐԻ ՀԱՄԱՇԽԱՐՀԱՅԻՆ ԽՈՐՀՐԴԻ «ԿԵՆՂԱՆԻ ՆԱՄԱԿՆԵՐ» ԿԱՐԳԱԽՈՍՈՎ ՊԱՏՎԻՐԱԿՈՒԹՅԱՆ ԱՅՅԸ ՊԱԿԻՍՏԱՆ

Նոյեմբերի 24-ից դեկտեմբերի 2-ը Եկեղեցիների Համաշխարհային Խորհրդի «Կենդանի նամակներ» անունը կրող պատվիրակությունն այցելեց Պակիստան, որի նպատակն էր ԵՀԽ-ի բոլոր Եկեղեցիների աջակցությունը հայտնել Պակիստանի շուրջ 6 միլիոն քրիստոնյաներին, ովքեր ամենօրյա ճնշումների են ենթարկվում իսլամական արմատականների և ծայրահեղականների կողմից: Պատվիրակությունը գլխավորում էր ԵՀԽ-ի Միջհավատքային Բաժնի տնօրեն Պր. Շանտա Պրեմավարդանան:

Պատվիրակության անդամները հանդիպեցին Պակիստանի բոլոր քրիստոնեական Եկեղեցիների և հարանվանությունների ներկայացուցիչների, Լահոր քաղաքի Բալամ առաջնորդների հետ, մասնակցեցին Պակիստանի Երիցական Եկեղեցու ամենամյա Մինողին: Հանդիպումների ընթացքում քննարկվեցին Պակիստանի քրիստոնյաներին հուզող խնդիրների լայն շրջանակ՝ զանազան բռնաճնշումները քրիստոնյաների վրա, հարաբերություններն իսլամ առաջնորդների հետ, քրիստոնեական կրթությանը և դաստիարակությանը, աղքատությանը և ազատ դավանանքին վերաբերող մի շարք հարցեր: Բալամ առաջնորդների հետ հանդիպումների ժամանակ նա մեկ անգամ շեշտվեց քրիստոնյա-իսլամ երկխոսության և համագործակցության անհրաժեշտության մասին:

Պատվիրակությունը հանդիպում ունեցավ նաև Պակիստանի Երիցական Եկեղեցու նորընտիր ատենապետ Սամուել եպիսկոպոս Ազարիայի հետ:

«Կենդանի նամակներ» պատվիրակության անդամները եղան Լահորի «Մարդու իրավունքների գրասենյակում», այցելեցին Մադրասայի մզկիթ և իսլամական համալսարան:

Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսի օրհնությամբ Մայր Աթոռ Սուրբ Էջմիածնից ծրագրին մասնակցում էր Միջեկեղեցական Հարաբերությունների գրասենյակի գործավար-քարտուղար Միքայել սարկավազ Բարսեղյանը:

ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ